



2018-imiit 2022-imut nunatsinni toqussutaasut

Eqikkaaneq

2018-imiit 2022-imut kræfti uummatikkullu nappaatit toqussutaasartuni amerlanersaapput. Toqusartuni imminut toquttut amerlapput.

Immikkoortuni tulliuuttuni qanoq toqusoqarnera toqussutaasullu nassuiarneqarput.

Aallaqqaasiut

Nunatsinni Nakorsaaneqarfik, nalunaarsorneqartuartunik pitsaassusaallu qulakkeerneqartartunik, nunatsinni toqusunut uppernarsaatit pissarsisarpoq. Toqusunut uppernarsaatit, paasisutissat-ilaatigut pisariitsumik pissarsiarineqarsinnaangorlugit NOMESCO-mut¹ avitseqatigiissutigineqarsinnaanissaat siunertaralugu, Danmarkimi peqqinnissaq pillugu paasisutissanut aqutsisoqarfimmut/Sundhedsdatastyrelsimut, toqussutaasunik immikkut ilisarnaasiisartumut toqussutaasunillu nalunaarsuivimmut nalunaarsugassanngorlugit, nassiunneqartarput. Nunani tamalaani nappaatinik immikkoortitereriaaseq (ICD) toqussutaasunik ilisarnaasiinermi atorineqartarpoq. ICD, Naalagaaffiit Peqatigiit Peqqinnissaq pillugu Suliniaqatigiiffissuannit (WHO) suliarineqarsimavoq 1990-imilu qulissaanik nutartigaq (ICD-10) akuerineqarluni. 1994-imi ICD-10 atorlugu immikkoortitereriaaseq Nunani Avannarlerni atorineqarpoq (1).

ICD-10 atorlugu immikkoortitereriaatsimi nappaatit toqussutaasullu, naatsorsueqqissaarnermi kisitsisinik misissuinermilu paasisutissanik saqqummiussisoqarsinnaangorlugu immikkoortiterineqarput, (1). misissueqqissaarnerit taakku nunatsinni toqussutaasut ersarinnerulersittarpaat, nunanilu allani ICD-10 atorlugu immikkoortitereriatsimik atuisuni toqussutaasut assersuunneqarsinnaangortittarlugit.

Ukiut tamaasa toqusunut uppernarsaatit, quppernerillu aappaat- qanoq toqusimanerup toqussutaasullu nalunaarsimaffiat- amigaataasut, assigiinngitsunik patsiseqartunik Nunatsinni Nakorsaaneqarfimmit pissarsiarineqartanngitsut arlaliusarput. Taamaammat Nunatsinni Nakorsaaneqarfimmit paasisutissani toqusut Kalaallit Nunaanni Naatsorsueqqissaartarfiup kisitsisaataanit ikinnerugajussapput. Ukiunut siuliinut sanilliullugit maanna Nunatsinni Nakorsaaneqarfiup paasisutissaataanut toqusut toqusutut uppernarsaateqanngitsut, CPR-naapertorlugu nalunaarsukkanut ataqatigiissarinikkut ilanngunneqarput. Taakkunani toqussutaasoq qanorlu toquneq immikkut ICD-10 atorlugu ilisarnaasiinermi ilaangitsumik (R990) ilisarnaaserneqassapput. Tamanna toqusut sumik toqquteqarnerat nalunaarsimanngitsut, ukiunut siuliinut sanilliullugit amerlinerannik kinguneqarpoq (A-listimi imm. A-24).

A-listi tassaavoq ICD-10 atorlugu immikkoortiterineri akuttussuserititanut takussutissiaq (ilanngussaq, qup. 7-8). A-listi toqussutaasunik nappaatinut pingaarnernut 24-inut immikkoortiterinerimut atorineqartarpoq. Kisitsisit toqussutaasunik nalunaarsuiffimmeersut allakkiami

¹ NOMESCO - Nordic Medico-Statistical Committee

matumani atorreqarput. Allakkiami 2018-imiit 2022-imut qanoq toqusimaneq toqussutaasullu nassuiarneqarput.

2018-imiit 2022-imut toqusut

Qanoq toqukkut qimagunneq toqusumut uppernarsaammi krydsiliinikkut nalunaarneqartarpoq. Toqqarneqarsinnaasut tassaapput nappammik ajunaarnermilluunniit patsiseqaratik toqusut, ajunaarnerit, toqutsinerit, imminut toqunnerit ilisimatisissutigineqarsimangitsullu.

Ataani tabelimi 1-imi 2018-imiit 2022-imut toqusut qanoq toqusimanerannut agguataarneqarnerat takutinneqarpoq. Nappaammik ajunaarnermilluunniit patsiseqaratik toqusut nalinginnaanersaapput, tulliullutik imminut toquttut ajunaartullu.


Ataatsimut katinneri/ a-listimi ataatsimut katinneri qanorlu toquneq assigiinngimmata, toqussutaasut tunngavigineqartut ataatsimut katinneqarput (a-listi).

Tabeli 1	2018	2019	2020	2021	2022
	Amerlassusaat/%	Amerlassusaat/%	Amerlassusaat/%	Amerlassusaat/%	Amerlassusaat/%
Nappammik ajunaarnermilluunniit toqquteqanngitsut	394/81,24%	398/77,73%	395/80,61%	408/83,27%	402/76,57%
Ajunaartut	14/2,89%	30/5,86%	23/4,69%	24/4,9%	29/5,52%
Toqutat	3/0,62%	4/0,78%	5/1,02%	3/0,61%	6/1,14%
Imminut toquttut	44/9,07%	45/8,79%	39/7,96%	46/9,39%	40/7,62%
Ilisimatitsissutaanngitsut	0/0%	2/0,39%	1/0,2%	5/1,02%	3/0,57%
Katillugit	485	512	490	521	525

2018-imi toqussutaasut

Immikkoortumi matumani 2018-imi patsisaagajunnerusut nassuiarneqarput.

Takussutissiaq 1




2018-imi toqusut sumik toqquteqarnermut suaassutsimullu agguataarneqarnerat, (angutit =tungujortut, arnat =aappalaartut) takussutissiami 1-imi takutinneqarpoq. 2018-imi toqusut katillugit 485-iupput, angutini katillugit 272-iullutik, arnani 213-iullutik.

Takussutissiami 1-imi takuneqarsinnaasutut angutini arnanilu kræfti toqussutaagajunneruvoq tulliullutik uummatikkut nappaatit. Angutini toqussutaagajupput kræfti, uummatikkut nappaatit imminullu toqunneq. Arnani toqussutagajunnerupput kræfti, uummatikkut nappaatit anersaartuutitigullu nappaatit.

2019-imi toqussutaasut

Immikkoortumi matumani 2019-mi toqussutaagajunnerusut nassuiarneqarput.

Takussutissiaq 2



2019-imi toqusut sumik toqquteqarnermut suaassutsimullu agguataarneqarnerat, (angutit =tungujortut, arnat =aappalaartut) takussutissiami 2-mi takutinneqarput. 2019-imi toqusut katillugit 512-iupput, angutini katillugit 296-iullutik, arnani 216-iullutik.


Takussutissiami 2-imi takuneqarsinnaasutut angutini arnanilu kræfti toqussutaagajunneruvoq tulliullutik uummatikkut nappaatit. Angutini toqussutaagajupput kræfti, uummatikkut nappaatit imminullu toqunneq. Arnani toqussutagajunnerupput kræfti, uummatikkut nappaatit anersaartuutitigullu nappaatit.

2020-imi toqussutaasut

Immikkoortumi matumani 2020-mi toqussutaagajunnerusut nassuiarneqarput.

Takussutissiaq 3

Dødsårsager 2020



2020-imi toqusut sumik toqquteqarnermut suaassutsimullu agguataarneqarnerat, (angutit =tungujortut, arnat =aappalaartut) takussutissiami 3-mi takutinneqarput. 2020-imi toqusut katillugit 490-iupput, angutini katillugit 278-iullutik, arnani 212-iullutik.


Takussutissiami 3-imi takuneqarsinnaasutut angutini arnanilu kræfti toqussutaagajunneruvoq tulliullutik uummatikkut taqqatigullu nappaatit. Angutini toqussutaagajupput kræfti, uummatikkut nappaatit imminullu toqunneq. Arnani toqussutaagajunnerupput kræfti, uummatikkut taqqatigullu nappaatit anersaartuutitigullu nappaatit.

2021-imi toqussutaasut

Immikkoortumi matumani 2021-mi toqussutaagajunnerusut nassuiarneqarput.

2021-imi toqusut sumik toqquteqarnermut suaassutsimullu agguataarneqarnerat, (angutit =tungujortut, arnat =aappalaartut) takussutissiami 4-imi takutinneqarput. 2021-imi toqusut katillugit 521-iupput, angutini katillugit 290-iullutik, arnani 231-iullutik.

Takussutissiaq 4




Takussutissiami 4-imi takuneqarsinnaasutut angutini arnanilu kræfti toqussutaagajunneruvoq tulliullutik uummatikkut nappaatit. Angutini toqussutaagajupput kræfti, uummatikkut nappaatit immiinullu toqunneq. Arnani toqussutagajunnerupput kræfti, uummatikkut taqqatigullu nappaatit.

2022-imi toqussutaasut

Immikkoortumi matumani 2022-imi toqussutaagajunnerusut nassuiarneqarput.

Takussutissiami 5-imi 2022-imi toqusut sumik toqquteqarnermut suaassusaannullu agguataarneqarnerat (angutit =tungujortut, arnat =aappalaartut) takutinneqarput. 2022-imi toqusut 525-iupput, angutit 318-iullutiki arnallu 207-iullutik.

Takussutissiaq 5



Takussutissiami 5-imi takuneqarsinnaasutut amerlanerit angutit arnallu kræftimik toqquteqarput, tulliullutik uummammikkut nappaateartut. Angutini toqussutaagajuttut tassaapput kræfti,

uummatikkut napptit imminullu toqunneq. Arnani toqussutagajuttut tassaapput kræfti, anersaartuutitigut nappaatit kiisalu uummatikkut taqqatigullu nappaatit allat.

Paasissutissat sukumiinerusut

Sukumiinerusunik pasissutissinneqarusuttut Kalaallit Nunanni Naatsorsueqqissartarfiup nittartagaanni stat.gl-imut isersinnaapput.

Henrik L. Hansen / Tanja Andreassen

Nunatsinni Nakorsaaneqrafik/Landslægeembedet, januar 2024